

四庫全書

子部

# 欽定四庫全書

子部

薛氏醫案卷五十四

詳校官太醫院醫官臣姜晟

編修臣倉聖脈覆勘

總校官原任中允臣王燕緒

校對官助教臣卜維吉

謄錄監生臣劉本立

欽定四庫全書

薛氏醫案卷五十四

明薛己訂

保嬰撮要

初誕法

小兒在胎稟陰陽五行之氣以生臟腑百骸藉胎液以  
滋養受氣既足自然生育分娩之時口含血塊啼聲一  
出隨即嚙下而毒伏於命門遇天行時氣久熱或飲食

停滯或外感風寒驚風發熱等因發為瘡疹須急於未  
啼時用軟帛裹指挖去其血用黃連豆豉硃蜜甘草解  
之後雖出痘亦輕矣有嚥入即時腹脹嘔吐短氣不乳  
者用茯苓丸治之但黃連性寒若稟母氣膏粱積熱者  
宜服若滋味淡薄胎氣元弱者又不宜用其硃砂固能  
解毒恐金石鎮墜不若只以牛黃分許蜜調與吮為佳  
世多用犀角解毒丸其胎氣虛寒虛弱者反傷脾胃生  
氣甚致不育又有嬰兒因其難產或冒風寒而垂危者

切不可便斷臍帶急烘綿絮包抱懷中急以胎衣置火  
中煨燒更用大紙捻於臍帶上往來燎之使煖氣入腹  
須臾氣復自甦尤戒洗浴恐腠理不密元氣發泄而外  
邪乘之也

黃連法臨月用黃連細切為末綿裹百沸湯拭口

甘草法預以甘草細切少許臨產時以綿裹沸湯泡盞  
內覆溫收生之際以軟綿裹指蘸甘草汁拭其口次  
用黃連法硃蜜法

硃蜜法用黃連細切沸湯泡良久瀘淨拭兒口中吐去惡汁更與硃砂一大豆許細研以蜜一蜆殼抹兒口服之非獨鎮心定魄安神解毒更能益肝膽除煩熱辟邪氣也

又牛黃法與硃蜜同少加牛黃能益肝膽除熱定精神止驚邪辟惡氣除小兒百病

茯苓丸

赤茯苓

黃連

胎冷易  
芍藥

枳殼

炒各  
等分

右為末煉蜜丸桐子大每服一九乳汁化下

護養法

巢氏云小兒初生肌膚未實宜用舊絮護其背不可太  
煖更宜數見風日則血氣剛強肌肉緻密若藏於重幃  
密室或厚衣過煖則筋骨軟脆不任風寒多易致病衣  
服當隨寒熱加減但令背煖為佳亦勿令出汗恐表虛  
風邪易傷乳哺亦不宜過飽若宿滯不化用消乳丸治  
之陳氏所謂忍三分寒吃七分飽頻揉肚少洗澡要肚

煖頭涼心胃涼皆至論也須令乳母預慎七情六淫厚  
味炙煇則乳汁清寧兒不致疾否則陰陽偏勝血氣沸  
騰乳汁敗壞必生諸症若屢用藥餌則臟腑陰損多變  
敗症可不慎歟大抵保嬰之法未病則調治乳母既病  
則審治嬰兒亦必兼治其母為善

消乳丸

縮砂仁 陳皮 京三稜煨 蓬朮煨 神麴 麥芽

各半  
香附子炒一兩



右為末麵糊丸麻子大每服二三丸白湯下

噤風撮口臍風

小兒初生噤風者因胎中受熱毒流心脾生下復為風邪所搏致眼閉口噤啼聲不出舌上如粟口吐白沫在百日內見撮口者因胎熱兼風自臍入於心脾致面目黃赤氣息喘急啼聲不出舌強唇青聚口撮面腹脹青筋弔腸牽痛吐白沫者不救法當疏利臍風者因斷臍之後為水濕風邪入於心脾致腹脹臍腫四肢柔直啼

不吮乳甚者發搐先用龍膽湯天麻丸之類以去痰涎  
後用益脾散之類補脾胃若臍邊青黑手拳口噤是為  
內搐不治受病之源皆因乳母七情氣鬱厚味積熱所  
致若爪甲黑伸引努力臍突者用大連翹飲子之類又  
斷臍不盈尺多患此者以舊綿燒灰摻之齒齬有泡如  
粟以綿裹指蘸溫水擦破口即開不用藥七日內患者  
百無一生古人治法大率如此又田氏治噤風用天南  
星末一錢片腦少許以指蘸薑汁擦齬立開丹溪用赤

足蜈蚣去足炙為末以猪乳調五分徐徐灌之或用牛  
黃以竹瀝調服一字隨以猪乳滴於口中聖惠方用鬱  
金藜蘆瓜蒂為末水調搗鼻中錢氏云撮口因浴後拭  
臍風邪所入而作用益黃散補之無擇云視其齒齬有  
泡擦破口即開用真白殭蠶為末蜜調塗口內保嬰集  
云小兒百日臍風馬牙當作胎毒瀉足陽明火用針挑  
破以桑樹白汁塗之又云初生小兒時時宜傳桑汁不  
然多有舌硬撮口之症竊謂臍風果因浴拭外傷皮膚

者用綿灰或枯礬擦抹之即愈若因乳母肝脾鬱怒致  
兒為患當治其母若因剪臍短少或因束縛不緊或因  
牽動風入臍中或因鐵器斷臍冷氣傳於脾絡以致前  
症者口內有小泡急拍破去其毒水以艾灸臍中亦有  
生者

千金龍膽湯 治月內臍風撮口四肢驚掣發熱吐乳  
及變蒸客忤鬼氣驚癇加人參當歸

龍膽草

炒

黑鈎藤鈎

柴胡

黃芩

炒

桔梗

甘草

芍藥

炒

茯苓

大黃

煨各二錢五分

蜣螂

二枚去翅足

右為末每服一二錢水煎量兒加減

天麻丸

治釣腸鎖肚撮口

天南星

炮二錢

白附子

牙硝

天麻

五靈脂

全蝎

焙各一錢

巴豆霜

一輕粉半錢

右為末每服一字薄荷湯調下

定命丹

治天釣撮口通利痰熱

全蝎

七枚

天麻

南星

炮各二錢半

朱砂

錢半

白附子

二錢半

青黛

一錢五分

輕粉

麝香

各五分

片腦

一字

右為末米糊丸菜豆大每服一九荊芥薄荷湯下先

研半丸吹入鼻中

硃銀丸

治胎風壯熱痰盛翻眼口噤或胎中蘊毒

水銀

和棗肉研

全蝎

南星

朱砂

各一錢

白附子

錢半

牛黃

蘆薈

各三分

鉛霜

半錢和水研

片腦

一字

麝香

五分

真殭蠶

炒七箇

右為末米糊丸芥子大每服三九薄荷湯下

紫霜丸

治變蒸發熱不解或食癩先寒後熱或乳哺

失節宿滯不化腹痞嘔吐或大便酸臭

代赭石

煨用醋  
淬七次

赤石脂

各一兩

杏仁

五十箇  
麵炒

巴豆仁

三十枚去  
膜油心

右先將杏仁巴豆研成膏入代赭石脂末研勻湯浸  
蒸餅丸粟米大每服三五丸米飲送下

消食丸

方見  
黃疸

控痰散

治風噤先用此藥吐風涎次與益胃散和胃

又與辰砂膏利驚握拳噤口者不治

蝎尾

銅青

各五分

朱砂

一錢

膩粉

一錢

麝香

少許

右為末每服一字茶清調下輕者勿用或以甘草湯吐之

甘草湯 治撮口

甘草

生一錢

右水煎以綿氈蘸吮令出痰涎却以猪乳點入口中即瘥



益脾散

白茯苓 人參 草果煨 木香濕紙裹煨 甘草 陳皮

厚朴

薑製

紫蘇子

炒各等分

右為末每服一錢薑棗水煎

辰砂膏 治眼閉口噤啼聲不出吮乳不得口吐白沫

辰砂

三錢

鵬砂

錢半

馬牙硝

錢半

元明粉

全蝎

真珠

各一錢 麝香一分

右為末每服一荳許諸驚薄荷湯下潮熱甘草湯下

月內用乳汁調塗乳頭令吮之

葱號散 治初生小兒七日不食便

葱白

三四寸

人乳

右同搗如泥傅兒口內即與吮乳

蠶號散 治初生兒七日不食名撮口

蠶蠶

四箇去  
嘴畧炒

茯苓

少許

右為末蜜調傅兒口內

蠶蠶膏

治撮口用真蠶蠶二枚去嘴畧炒為末蜜調

擦口中

撮風散 治撮口

鈎藤鈎 朱砂 真僵蠶<sub>焙</sub> 赤脚蜈蚣<sub>半條</sub> 蝎<sub>各一</sub>

錢麝香<sub>一字</sub>

右為末每服一字竹瀝調下

瓜蒂散 治臍風撮口

瓜蒂<sub>七箇</sub> 赤小豆 秫米<sub>各七粒</sub>

右為末用一荳許吹兩鼻內令出黃水更調服吐黃

水即瘥

大連翹湯 治胎熱臍風小便不通及諸般瘡毒

連翹 瞿麥 荊芥 木通 赤芍藥 當歸

防風 柴胡 滑石 蟬殼 甘草

炒各一錢

山梔子

黃芩

各五分

右為末每服二錢加紫草水煎熱甚加大黃更詳症

加減

安臍散

羚羊角

一錢  
畧炒亂髮

一團燒  
令存性

蜈蚣

一寸赤  
脚者炙

右為末斷臍後即傳之以綿帕緊束恐犯風也

### 脉法

錢仲陽云小兒之脉氣不和則弦急傷食則沉緩虛驚則促急風則浮冷則沉細脉亂者不治水鏡訣云陰陽運合男女成形已分九竅四肢乃生五臟六腑部分既別逆順難明若憑寸舌之浮沉必乃橫亾於孩子須明虎口辨別三關消詳用藥始無差誤未至三歲看虎口

食指第一節名風關脉初見易治第二節名氣關脉見病深難治第三節名命關脉見死不治三關青是四足驚赤是水驚黑是人驚紫色瀉利黃色雷驚三關通度是極驚之症必死或青或紅有紋如線一直者是乳食傷脾必發驚熱左右一樣者是驚與積齊發有三條或散是肺生風痰或似鶉鶩聲有赤是傷寒及嗽如紅火是瀉紅黑相兼主下痢青多白痢紅多赤痢紫色相兼加渴虎口脉紋亂主胃氣不和青是驚與積青黑發慢

驚脉入掌乃內釣指紋曲裡風感彎外食積此論三歲  
以上之法若三歲以下更用一指按高骨乃分三關定  
其息數呼吸八至為平脉九至不安十至危困浮主風  
沉遲主虛冷實主有熱緊主癰癩洪主熱盛沉緩主虛  
瀉微遲有積有蟲遲濇主胃脘不和沉主乳食難化沉  
細主乳食停滯緊弦主腹中熱痛牢實主大便秘沉而  
數者骨中有熱弦長是肝膈有風緊數乃驚風為患四  
肢掣顫浮洪乃胃口有熱沉緊主腹痛有寒虛濡者有

氣又主慢驚。主大便利血。四歲以下用一指袞轉尋三部以關為準。七八歲移指少許。九歲次第依三關部位尋取。十一十二歲亦同。十四十五歲依大方脉部位診視。凡看脉先定浮沉遲數。陰陽冷熱沉遲為陰。浮數為陽。更兼看部位。青主驚風。白主虛瀉。赤主痰熱。黑色病甚。黃主脾疳。以此相叅察病治療庶無誤矣。又全幼心鑑云。小兒半歲之際有病當於額前眉端髮際之間以名中食三指曲按之。兒頭在左舉右手在右舉左手。



食指為上中指為中名指為下三指俱熱主感風邪鼻塞氣粗發熱咳嗽若三指俱冷主外感風寒內傷飲食發熱吐瀉若食中二指熱主上熱下冷名中二指熱主夾驚之疾食指熱主胸滿食滯又當參辨脉形主之

流珠形主飲食所傷內熱欲吐或腸鳴自利煩躁啼哭用助味膏消飲食分陰陽若食消而病仍作用香砂助胃膏以補脾胃 環珠形主脾虛停食胸膈脹滿煩渴發熱用五味異功散加山查枳實健脾消食後用六君

子湯調養中氣 長珠形主脾傷飲食積滯肚腹作痛  
寒熱不食先用大安丸消其疾滯次以異功散健其脾  
氣 來蛇形主脾胃虛熱中脘不利乾嘔不食此疳邪  
內作先用四味肥兒丸治疳後用四君子湯補脾 去  
蛇形主脾虛食積吐瀉煩渴氣短喘急不食困睡先用  
六君子湯加枳實健脾消積次以七味白朮散調補胃  
氣 弓反裏形主感冒寒邪嘔氣出氣驚悸倦怠四肢  
稍冷小便赤色咳嗽吐涎先用惺惺散助胃氣祛外邪

後以五味異功散加茯神當歸養心血助胃氣若外邪既解而驚悸指冷脾氣受傷也宜用七味白朮散補之若悶亂氣粗喘促哽氣者難治脾虛甚故也 弓反外

形主痰熱心神恍惚夾驚夾食風癇痰盛先以天麻防風丸祛外邪又用五味異功散調中氣 鎗形主風熱生痰發搐先用抱龍丸如未應用牛黃清心丸若傳於脾肺或過用風痰之藥而見一切諸症者專調補脾胃

魚骨形主驚痰發熱先用抱龍丸治之如未應屬肝

火實熱少用抑青丸以清肝隨用六味丸以補肝或發熱少食或痰盛發搐乃肝木尅脾土用六君子湯加柴胡補脾土以制肝木 水字形主驚風食積胸膈煩燥頓悶少食或夜啼痰盛口噤搐搦此脾胃虛弱飲食積滯而木尅土也先用大安丸消導飲食次以六君鈎藤鈎補中清肝若已服消食化痰等劑而病不愈者用四君升麻柴胡鈎藤鈎升補脾氣平制肝木 針形主心肝熱極生風驚悸頓悶困倦不食痰盛搐搦先用抱龍

九祛風化痰次用六君子加鈎藤鈎平肝實脾 透關  
射指形主驚風痰熱聚於胃膈乃脾肝虧損痰邪乘聚  
先用牛黃清心丸清脾肺化痰涎次用六君子湯加桔  
梗山藥補脾土益肺金 透關射甲形主驚風肝木剋  
制脾土之敗症急用六君木香鈎藤鈎官桂溫補脾土  
未應即加附子以回陽氣多得生者嘗聞古人云小兒  
為芽兒如草之芽水之漚蓋因臟腑脆嫩口不能言最  
難投劑當首察面色而知其所屬次驗虎口以辨其所

因實為治法之簡要也

虎口三關脉紋



十三指形

流珠形



長珠形



環珠形



去蛇形



來蛇形



弓反外形





弓反裏形



魚骨形



鎗形



針形



水字形



透關射甲形



透關射指形



流珠只一點紅色環珠差大長珠圓長已上非謂圈子  
總皆紅脉貫氣之如此來蛇即是長珠散一頭大一頭  
尖去蛇亦如此分上下朝故曰來去角弓反張向裏為  
順向外為逆鎗形直上魚骨分開水字即三脉並行針  
形即過關一二粒米許射甲命脉向外透指命脉曲裏  
雖然余嘗治之亦有不專執其形脉而投劑者蓋但有  
是症即服是藥而亦多驗

治驗

一小兒發熱吐瀉腹脹不乳其紋如流珠此脾胃氣傷先用香砂助胃膏後用六君子湯全愈

一小兒寒熱作嘔飲食不入按其腹乃哭脉紋如長珠此飲食停滯也用大安丸吐瀉宿滯遂安但唇目抽動大便稀黃此病邪去而虛熱所迫也用六君子湯加鈎藤而愈

一小兒胃腹膨脹發熱頓悶脉紋如環珠以手按腹即哭此屬脾胃虛而飲食停滯也先用保和丸一服

前症如失更加煩渴按其腹而不哭此宿食去而脾胃復傷也用五味異功散加柴胡治之頓瘳

一小兒不時乾嘔乳食不進肚腹膨脹脉形如來蛇此脾胃虛而成疳也用四味肥兒丸治疳佐以四君加蕪荑健中而痊後傷飲食吐瀉完穀形氣甚困四肢微搖視其紋如去蛇余曰且勿用藥次日吐止但搖而瀉青黃此脾土虛而肝木勝也用六君子加鉤藤鉤而痊

一小兒未及周歲氣短喘急乳食少進時或吐乳視其形如去蛇乃脾傷而食積先用六君子加山查枳實漸愈後乳食復傷吐瀉作渴先與胃苓膏繼與白朮散而愈

一小兒睡卧驚悸發熱痰盛脉形如弓之向外此因驚木旺傷脾而食不消也先以天麻防風丸祛風定驚後用五味異功散壯脾止搐全瘥

一小兒沉默昏倦肢冷驚悸其紋如弓之向裏此屬

胃氣虛而外感寒邪也先用惺惺散以解外邪調胃  
氣諸症頓愈但手足逆冷又用六君子湯調補元氣  
而安

一小兒患咳嗽服牛黃清心丸加喘促腹脹余視其  
右臉色赤紋指如鎗屬脾氣復傷用六君子湯頓安  
一小兒沉困發熱驚搐不乳視其脉紋如亂魚骨此  
風熱急驚之症也先用抱龍丸少許祛風化痰後用  
六君子湯加柴胡壯脾平肝而愈

一小兒咳嗽發熱右臉赤色作渴煩悶倦急少食肚腹作脹脉紋如針此風邪傷肺而飲食傷脾也先用六君子湯加桔梗杏仁柴胡一劑諸症少愈後去杏仁柴胡再劑而安

一小兒發熱夜啼乳食不進昏迷抽搐痰盛口噤脉紋如水字此脾肺氣虛風木所乘痰食積於胃腹也先用大安丸後用六君子加鈎藤鈎而愈

一小兒發熱右臉赤咳嗽痰盛其脉紋透關射指余



以為風邪蘊結於肺而痰作也用二陳加桑皮杏仁  
桔梗治之自用發散降火之劑風痰不退發熱益甚  
余曰此脾肺氣虛治失其宜遂用五味異功散加炒  
桔梗漸愈又用六君子湯而痊

一小兒停食發熱服苓連三稜厚朴等劑飲食日少  
胃腹膨脹其紋透至指甲用補中益氣湯加木香鈎  
藤鈎溫補脾氣平制肝木數劑漸效又用六君子湯  
加炮薑治之而安其間泛用金石腦麝祛逐之劑變

驚而死者不能枚舉惜哉

香砂助胃膏

方見熱吐

五味異功散

方見內釣

六君子湯

方見內釣

太安丸

方見虛羸

四味肥兒丸

方見嘔吐

四君子湯

方見內釣

七味白朮散

方見腹痛

惺惺散

方見咳嗽

天麻防風丸

方見咳嗽

抱龍丸

方見傷寒

牛黃清心丸

方見急驚

抑青丸

方見驚啼

六味丸

方見腎臟

保和丸

方見虛羸

胃苓湯

方見霍亂吐瀉

二陳湯

方見寒冷嘔吐

變蒸

巢氏云小兒變蒸者以長血氣也變者上氣蒸者體熱仲陽云變者易也又云變蒸者自內而長自下而上又身熱故每變畢即覺性情有異於前何者長生臟腑意智故也何謂三十二日長骨添精神人有三百六十五骨以象天數以應朞歲以分十二經絡自初生至三十二日一變生癸屬足少陰經腎臟精與志六十四日二

變一蒸生壬屬足太陽經膀胱腑其發耳與聾冷腎與  
膀胱合俱主於水天一生水地六成之至九十六日三  
變生丁屬手少陰經心藏神其性為喜至一百二十八  
日四變二蒸生丙屬手太陽經小腸腑其發汗出而微  
驚心與小腸合為火地二生火天七成之至一百六十  
日五變生乙屬足厥陰經肝藏魂喜哭至一百九十二  
日六變三蒸生甲屬足少陽經膽腑其發目不閉一作開  
而赤肝與膽合主木天三生木地八成之至二百四十

四日七變生辛屬手太陰經肺臟魄主聲至二百五十  
六日八變四蒸生庚屬手陽明經大腸腑其發膚熱而  
汗或不汗肺與大腸合主金地四生金天九成之至二  
百八十八日九變生己屬足太陽經脾臟意與智至三  
百二十日十變五蒸生戊屬足陽明經胃腑其發不食  
腹痛而吐乳脾與胃主土天五生土地十成之又手厥  
陰經心包絡為臟手少陽經三焦為腑此一臟一腑俱  
無狀故不變而不蒸也前十變五蒸乃天地之數以生

成之此後始生齒能言知喜怒故云始全也大倉云氣入四肢長碎骨於十變後六十四日為一大蒸計三百八十四日長其經脉手受血故能持物足受血故能行立經云變且蒸謂蒸畢而足一歲之日有餘也師曰不汗而熱者發其汗大吐者微止不可別治又六十四日為二大蒸計四百四十八日又六十四日為三大蒸計五百一十二日至五百七十六日變蒸既畢兒乃成人也變者生五臟也蒸者養六腑也變者上氣蒸者發熱

每經一變一蒸情態即異輕則發熱微汗其狀似驚重則壯熱脉亂而數或汗或吐或煩啼躁渴輕者五日解重者七八日解其候與傷寒相似亦有變蒸之餘續感寒邪者但變蒸則耳冷尻冷上唇發泡若濁珠若寒邪搏之則寒熱交爭腹中作痛而啼呌之聲日夜不絕變者易也蒸於肝則玄眊微赤蒸於肺則嚏嗽毛聳凡五臟六腑筋脉骨循環各有證應其治法平和者微表之實熱者微利之可服紫霜丸黑散子柴胡湯有寒無熱



並吐瀉不乳多啼者當歸散調氣散主之變蒸之外小  
兒體貌情態自然平和大抵人得中和之道以為純粹  
陰陽得所剛柔兼濟氣血和而百脉順所以心智益通  
精神俱備臟腑充實形體固壯齒細髮黑聲洪睡穩此  
乃受氣充足稟性得中而無疾爾前症蓋小兒所不免  
者雖勿藥亦可也前藥峻厲非惟臟腑之不勝抑且反  
傷血氣余嘗見一小兒至一變發熱有痰投抱龍丸一  
粒卒至不救觀此可驗慎之慎之其有不熱不驚略無

症候而暗變者蓋受胎氣壯實故也

紫霜丸

方見撮口

紫陽黑散

治變蒸解利熱氣

麻黃

二兩不去節

大黃

半兩

杏仁

去皮二分半研

右以前二味和一處杵碎略燒存性後入杏仁膏和之密盛貯每用一豆許乳汁和嚥之

柴胡湯

治變蒸骨熱心煩啼叫不已

人參

一錢

甘草

微炙二錢

柴胡

五分

麥門冬

去心二錢

防風

龍

膽草

酒炒黑  
各一錢

右每服一錢水煎

當歸散

治變蒸有寒無熱

當歸

二錢

木香

官桂

辣者

甘草

炙

人參

各一錢

右每服一錢薑棗水煎

調氣散

治變蒸吐瀉不乳多啼欲發慢驚

木香

香附子

人參

橘皮

藿香

甘草

炙各

一錢

右為末每服一錢薑棗水煎服

肝臟

錢仲陽云肝主風實則目直大𦥑項急頓悶虛則咬牙  
呵欠氣熱則外生風氣溫則内生風大青膏散之若能  
食飲水不止用大黃丸微下之肝熱則目直不搐手尋  
衣領及亂捻物瀉青丸主之壯熱飲水喘悶瀉白散主  
之肝病秋見肺怯不能勝肝也當用益黃散補脾瀉青  
丸治肝肝有風則目連眄得心熱則搐用瀉青丸治肝

導赤散治心甚則身反張目直不搐心不受熱也當用  
地黃丸補腎瀉青丸治肝唇白者不治又張潔古云肝  
主風自病則風搐拘急若心乘肝為實邪肺乘肝為賊  
邪腎乘肝為虛邪凡肝得病必先察其肺腎腎者肝之  
母肺者肝之賊今肝之得病若非腎水不能相生必是  
肺金鬼邪來剋故其來在肺先治其肺攻其鬼也其來  
在腎先補其腎滋其源也然後審其本臟之虛實而寒  
溫之竊謂前症若肝經實熱而外生風者宜用大青膏

散之若既服而前症仍作或益甚者此邪氣已去而脾氣虧損也宜用異功散加芎歸補之若肝經虛熱或因剋伐而内生風者宜用異功散地黄丸補之若風邪入臟能食飲冷大便秘結者此邪氣內實也宜用大黃丸下之若既下而食少飲湯或腹作脹者此脾氣內虛也宜用白朮散補之氣血素弱或因病後或服攻伐之劑而手尋衣領咬牙呵欠目淡青者乃肝經虛甚也急用地黃丸以補腎肝哽氣短氣長出氣乃肺經虛甚也急

用異功散以補脾肺若申酉時叫哭直視呵欠頓悶項  
急驚悸手足搖動發熱飲水者此風木相搏而勝肺金  
也用柴胡梔子散以治肝火生肝血用異功散補脾土  
生肺金若唇白者為脾絕不治夫嬰童之症多因妊娠  
厚味七情或兒乳哺失宜或乳母飲食鬱怒所致病氣  
既見形氣已虛當推其所因用藥加漏蘆以治其母兒  
飲一二匙後倣此

大青膏 治傷風痰熱發搐

天麻

青黛

錢各一

白附子

煨

烏蛇

酒浸取肉焙

蝎尾

各五

分

天竺黃

麝香

各一字

右為末生蜜丸如豆大每服用半粒薄荷湯化下

大黃丸 治風熱裏實口中氣熱二便秘赤飲水不止

黑牽牛

一半生一半炒

川芎

各半兩

甘草

一錢

大黃

一兩酒洗飯上蒸

右為末糊丸麻子大每服數丸溫蜜水乳後服以瀉

利為度大小用

愚按前症既屬裏實二便秘法當踈下若初服雖未



通利而病勢已退不可再服如二便未利病勢未退  
當減數丸研化服之恐過劑則元氣傷而變病也

瀉青丸 治急驚發搐眼赤睛疼

當歸 龍膽草<sup>炒</sup> 川芎 防風 大黃<sup>炒</sup> 羌活

山梔仁<sup>各等分</sup>

右為末煉蜜丸芡實大每服一九砂糖湯化下

愚按前方足厥陰經解散肌表疏通內熱之藥也若  
大便秘結煩渴飲冷飲食如常者屬形病俱實宜用

此以瀉之若大便調和煩渴飲冷目淡青色屬病氣  
實而形氣虛宜用抑肝散平之若大便不實作渴飲  
湯飲食少思肢體倦怠者屬形病俱虛宜用地黃丸  
補之大抵前症若因肝經血虛風熱先用四物湯加  
鈎藤鈎以生肝血次用四君子湯以補脾土若因肝  
經血燥痰盛用地黃丸滋腎水生肝木四君加芍藥  
實脾土以平肝木若因攻伐而致脾土虛寒者急用  
六君子湯加丁香木香溫補脾土否則必變慢脾風

也

抑肝散 治肝經虛熱發搐或發熱咬牙或驚悸寒熱  
或木乘土而嘔吐痰涎腹脹少食睡卧不安

軟柴胡

甘草

各五分

川芎

八分

當歸

白朮

炒

茯苓

鉤藤鈎

各一錢

右水煎子母同服如蜜丸名抑青丸

小柴胡湯

加山梔牡丹皮  
名加味小柴胡

治肝膽經風熱癰癰寒熱

往來日晡發熱潮熱身熱不欲飲食或怒火口苦耳

聾咳嗽或脇痛胃滿小便不利或泄瀉吐酸苦水或

肢體搖動唇目抽劄並宜用之

方見  
變蒸

異功散

方見天鈞

地黃丸

方見腎臟

白朮散

方見積滯

柴胡梔子散

方見諸熱

導赤散

方見心臟

四物湯

方見急驚

四君子湯

方見內鈞

六君子湯

方見內鈞

加味清胃散

方見天鈞

補中益氣湯

方見虛羸

心臟

錢仲陽云心主驚實則叫哭發熱飲水而搖虛則困卧驚悸不安又云熱則睡中口氣溫及上竈咬牙而合面卧有就冷之意皆心熱也導赤散主之若仰面卧者乃

心氣實氣不得上下流通也瀉心散主之心病冬見火  
勝水也當補腎治心輕者病自愈下竄不語者腎虛怯  
也又張潔古云心主熱若肺乘心為微邪肝乘心為虛  
邪脾乘心為實邪腎乘心為賊邪凡心臟得病必先調  
其肝腎肝氣通則心氣和肝氣滯則心氣乏此心氣先  
求其肝清其源也五臟受病必傳其所勝腎之邪必傳  
於心故先治其腎逐其邪也若肝腎脉俱和然後察其  
心家虛實治之竊謂仰面卧者因其心胃實熱故喜仰

面而向虛也合面卧者因心胸虛熱故喜合卧而就實也實則調治心肝虛則調補脾肺二者別之盡其狀矣其咬牙等症多有雷同不必拘泥如用瀉心導赤等劑邪氣雖去而病仍作當調補元氣或反甚急溫補元氣其心氣冬見或亥子時病益甚或下竄不語者乃腎水虛而心火甚也用地黃丸其乳下嬰兒須母服之

錢氏瀉心散 治心經實熱

黃連

右為末每服五分臨卧溫水化下

愚按前症若叫哭發熱作渴飲水抽搐有力仰面而  
睡者屬心經實熱宜用瀉心散或導赤散若發熱飲  
湯抽搐乏力驚竄咬牙合面而睡者屬心經虛熱用  
補心散若喘嗽面赤壯熱飲水肺乘心也用瀉白散  
若搖頭目劄身熱抽搐肝乘心也用柴胡清肝散若  
合目昏睡泄瀉身熱脾乘心也用瀉黃散若竄視驚  
悸咬牙足熱腎乘心也用安神丸若因乳母致症亦



用前藥以治其母

導赤散 治小兒實熱小便秘赤

生地黃 木通 甘草

等分

右為末每服一錢入淡竹葉水煎

愚按瀉心散導赤散瀉心小腸實火之劑蓋心為脾母脾為心子然心既病則脾土益虛矣用者審之

錢氏生犀散 治心經虛熱

地骨皮 赤芍藥 柴胡 乾葛

各一兩

甘草

五錢

犀角

二錢  
鎊

右為末每服一二錢水煎

新  
增

愚按前方云治心經虛熱其所用藥多屬瀉心瀉肝  
脾之劑虛熱二字恐魯魚也如心經自病而血虛熱  
者用秘旨安神丸脾奪虛心之氣而熱者用秘旨補  
脾湯肝木不能生心火而虛熱者用地黃丸

秘旨安神丸 治心血虛而睡中驚悸或受驚嚇而作

人參

半夏

湯  
泡

酸棗仁

炒

茯苓

各一  
錢

當歸

酒  
洗

橘紅

赤芍藥

炒各七分

甘草

炙三分

五味子

杵五粒

右為末薑汁糊丸芡實大每服一九生薑湯下

地黃丸

方見腎症

補心散

方見驚啼

瀉白散

方見肺臟

柴胡清肝散

方見熱症

瀉黃散

方見脾臟

秘旨補脾湯

方見驚啼

脾臟

錢仲陽云脾主困實則困睡身熱飲水或不飲水虛則吐瀉生風脾胃虛寒則面眇白目無精光口鼻氣冷肌體瘦弱吐水腹痛不思乳食用益黃散下利用調中丸傷風手足冷者脾臟怯也先用益黃散補脾後用大青膏發散脾病見四季皆倣此順者易治逆者難治脾怯當面赤黃若兼五臟相勝隨症治之又張潔古云脾主濕自病則泄瀉多睡體重昏倦若肝乘脾為賊邪心乘

脾為虛邪肺乘脾為實邪腎乘脾為微邪凡脾之得病必先察其肝心二臟蓋肝是脾之鬼心是脾之母肝氣盛則鬼邪有餘心氣虧則生氣不足當用平肝氣益心氣若診其脉肝心俱和則脾家自病察其虛實而治之竊謂前症實者病氣實而形氣虛也若面色眊白吐瀉腹痛口鼻氣冷屬寒水侮土宜用益黃散若面青唇黯吐瀉手足並冷此脾土虛寒用乾薑理中湯若面色痿黃手足不冷此脾土虛弱用人參理中湯若傷風手足

並冷吐痰啞嗽吐瀉腹脹此脾肺氣虛用五味異功散  
實脾氣加防風升麻散外邪若發於寅卯之時用六君  
柴胡升麻補脾土平肝木若面黃者脾之本色也面赤  
者火生土為順面青者木剋土為逆當平其所勝以補  
元氣為善

大青膏

方見肝臟

調中丸

方見脾胃虛寒

人參安胃散 治脾胃虛弱傷熱乳食嘔吐瀉痢

人參

錢一

黃芪

錢一

生甘草

炙甘草

各五分

白茯苓

四分

陳皮

二分

黃連

炒二分

白芍藥

酒炒七分

右為末每服二錢水煎

愚按東垣云益黃散內有丁香青皮之辛熱蓋為寒水侮土而設也若因熱藥已豆之類損其脾胃或因暑熱傷乳食而成吐瀉口鼻氣熱而致慢驚者宜用前散

益黃散 治脾虛吐瀉不食米穀不化困倦力少滑腸

夜起並疳虛盜汗涎流口角

陳皮

一兩

丁香

二錢

訶子

炮去皮

青皮

去白

甘草

炙各半兩

右為末每服一錢水煎服

愚按前症若脾土虛寒或寒水侮土而嘔吐泄瀉手足並冷或痰涎上壅睡而露睛不思乳食宜用此方若因脾土虛弱吐瀉者用六君子湯加柴胡如不應或手足俱冷屬虛寒也更加木香炮薑若因乳母脾虛肝侮必治以前藥若乳母鬱怒致兒患前症母服



加味歸脾湯

錢氏瀉黃散

一名瀉脾散

治脾熱吐舌

藿香葉

甘草

各七分

山梔仁

一兩

石膏

五錢

防風

二兩

右用蜜酒微炒為末每服一二錢水煎

愚按前症若作渴飲冷卧不露睛手足熱甚或遍身發黃屬胃經寔熱宜用瀉黃散若作渴飲湯卧而露睛手足並冷屬胃經虛熱宜用異功散若面青搐搦乳食少思肝乘脾也用秘旨補脾湯若面赤驚悸身

熱昏睡心乘脾也用秘旨安神丸若面白喘嗽肢體  
倦怠肺乘脾也用補中益氣湯若唇黑泄瀉手足指  
冷腎乘脾也用益黃散病後津液不足口乾作渴宜  
用七味白朮散若乳母膏粱厚味七情鬱火所致當  
審其因而治其母

人參理中湯

方見傷寒表裏

五味異功散

方見天鈞內鈞

六君子湯

方見天鈞內鈞

肺臟

錢仲陽云肺主喘實則悶亂喘促或飲水虛則硬氣出氣短氣若肺盛復感風寒則胃滿氣急喘嗽用瀉白散肺熱則手掐眉目鼻面用甘桔湯肺虛熱則唇色深紅少用瀉白散肺怯則唇色白用阿膠散若悶亂氣粗喘促哽氣者難治肺病久唇白者此脾肺子母皆虛也若白如豬脂者吉白如枯骨者死如肺病春見肺勝肝也用地黃丸補肝腎瀉白散以治肺目淡青必發驚更有

赤者當搐為肝怯也又張潔古云肺主燥自病則喘嗽燥則潤之若心乘肺為賊邪肝乘肺為微邪腎乘肺為實邪脾乘肺為虛邪凡肺之得邪必先觀心脾二臟之虛實若心火鑠金當抑心滋肺若脾氣虛冷不能相生而肺氣不足則風邪易感宜補脾肺若脾實中痞熱氣上蒸於脾宜瀉脾氣若心脾平和而肺自病當察虛實治之竊謂肺經鬱熱用瀉白散肺氣自虛用四君子湯外邪所乘用參蘇飲心火炎鑠用人參平肺散中焦實

痞用大承氣脾不能生肺用異功散夫肺氣盛者肺中之邪氣盛也其脉右寸必浮而有力宜用瀉白散以瀉之若肺虛而有熱者執肺熱傷肺之說而不用人參誤矣仍參其症治之

瀉白散 化痰止嗽寬氣進食

地骨皮 桑白皮

炒各一兩

甘草

炙一錢

右為末每服一二錢入糯米百粒水煎

愚按活人方云喘者肺氣盛而有餘然氣盛當認作

氣衰有餘當認作不足蓋肺氣盛者肺中之火盛也  
有餘者肺中之邪有餘也其脉右寸必浮而有力右  
頰色赤用前藥以瀉之前症若乳母感冒風寒肺經  
蘊熱致兒為患用參蘇飲若乳母膏粱醇酒積熱致  
兒是病用清胃散

甘桔湯 治風熱上攻咽喉疼痛及喉痺妨悶

桔梗

一兩 甘草 炒二兩

右每服二錢水煎

阿膠散 治肺虛咳嗽喘急或咳而哽氣喉中有聲

阿膠

一兩蛤粉炒

鼠粘子

二錢半炒香

甘草

一錢炙

馬兜鈴

半兩

炒

杏仁

七箇去皮尖

糯米

一兩

右每服一二錢水煎

愚按前方乃直治肺金之劑經云虛則補其母若前藥未應當用五味異功散以補脾

地黃丸

方見腎臟

四君子湯

方見內釣

參蘇飲

方見諸熱

人參平肺散

方見咳嗽

大承氣湯

方見傷寒表裏

異功散

方見天鈞內鈞

清胃散

方見天鈞內鈞

腎臟

錢仲陽云腎主虛無實症惟痘瘡實則黑陷更當分別症之虛實假如肺病又見肝症咬牙呵欠者易治肝虛



不能勝肺也若目直視大叫哭項急煩悶者難治蓋肺病虛冷肝強實而勝肺也視病新久虛實虛則補其母實則瀉其子夫腎虛者由胎氣不盛則神短顙開目多白睛面色眊白此皆難養縱長不過八八之數若恣色慾不及四旬而亡或有因病而致腎虛者又云腎氣不足則下竄蓋腎虛骨重惟欲墜下而縮身也腎水陰也腎虛則目無光畏明皆用地黃丸腎病見夏乃水勝火也輕者病自退重者當驚發搐又張潔古云腎主寒自

病則足脛寒而逆腎無實瘡疹黑陷乃實是水制火也  
若心乘腎為微邪肺乘腎為虛邪肝乘腎為寔邪脾乘  
腎為賊邪本臟虛弱正令不行鬼賊尅害當補本臟之  
正氣假令肺病喘嗽見於初春當補腎見於夏救肺見  
於秋救脾見於冬補心瀉本臟乃名寒嗽大抵五臟各  
至本位即氣盛不可更補到所尅位不可更瀉然五行  
之中惟腎水一臟母盛而反受邪何則肺屬金射於皮  
毛所主者氣腎屬水主於骨髓所藏者精氣之輕浮能

上而不能下精之沉重能下而不能上此物性之自能  
今肺氣得熱而上蒸則不能下生於腎而受邪矣急服  
涼藥解之此腎病必先求肺或脾經之濕刑剋於腎宜  
去脾濕若脾肺平和而腎自病則察其本臟而治之竊  
謂下竄等症足不喜覆者蓋腰以下皆腎所主乃心氣  
下行於腎部也法用地黃丸壯腎水以制心火若因脾  
肺虛而不能生腎水者用補中益氣湯六味地黃湯以  
滋化源其瘡疹黑陷乃腎虛而邪氣實也尤當用地黃

丸

地黃丸

熟地黃

八錢  
杵膏

山茱萸

肉

乾山藥

各四錢

澤瀉

牡丹

皮

白茯苓

各三錢

右為末入地黃膏量加米糊丸桐子大每服數丸溫  
水空心化下行遲鶴膝加鹿茸牛膝五加皮

愚按前丸治腎肝血虛燥熱作渴小便淋秘痰氣上  
壅或風客淫氣患瘰結核或四肢發搐眼目瞤動或

咳嗽吐血頭目眩暈或咽喉燥痛口舌瘡裂或自汗盜汗便血諸血或稟賦不足肢體瘦弱解顱失音或畏明下竄五遲五軟腎疳肝疳或早近女色精血虧耗五臟齊損凡屬腎肝諸虛不足之症宜用此以滋化源其功不可盡述

補中益氣湯

方見虛羸

薛氏醫案卷五十四

欽定四庫全書

薛氏醫案卷五十五

明 薛己 訂

保嬰撮要

面上症

錢仲陽云左腮為肝右腮為肺額為心鼻為脾頤為腎  
色青主驚積不散欲發風候紅主痰積驚悸黃者食積  
癥傷欲作疳癖白主洩瀉水穀更欲作吐黑主臟腑欲

絕 印堂青主初患驚瀉紅主大驚夜啼黑主客忤

山根青主二次驚瀉後發躁黑黃甚者死 年壽平陷

主天青主發熱生驚黑主利死紅主躁死微黃曰平黃

甚曰霍亂 承漿青主食時被驚黃主吐逆亦主血利

黑主驚風 白眼黑睛黃主有熱白睛黃主食積疳疔

白睛青主驚風黑睛青主傷寒 眉上青吉忽紅主煩

躁夜啼黃主霍亂久病紅者死 風氣二池青主風候

紫主吐逆或發熱黃主吐逆赤主煩躁夜啼 兩顴赤



主肺有客熱 兩太陽青主二次受驚青自太陽入耳  
者死紅主血淋 兩臉青主客忤黃主痰溢赤主風熱  
兩頰赤主傷寒兩頤青主吐蟲 兩金匱青主第三  
次驚風黑遶口二日死青連目入耳七日死 兩風門  
紅主風熱黑主疝青主水驚黑從眉入耳即日死唇黑  
不食者死 面青眼青肝病面赤心病面白肺病面黃  
脾病面黑腎病 額間赤色主心經有熱煩躁驚悸若  
飲水或叫哭屬本經實熱用瀉心散以清心火微赤困

卧驚悸熱渴飲湯屬虛熱用秘旨安神丸以生心血青  
黑主驚風腹痛或癩癧啼叫用五味異功散加木香柴  
胡鈎藤鈎補脾肝青黑主心腹作痛此寒水乘心用益  
黃散微黃主驚疳用安神丸 左臉青或兼赤主肝經  
風熱項強頓悶目劓癩癧用柴胡清肝散色微赤脩熱  
咬牙屬虛熱用地黃丸青黑主肝剋脾而驚搐腹痛用  
六君子加薑桂微赤主潮熱血虛心躁先用秘旨安神  
丸次用地黃丸 右臉赤主風邪氣竈咳嗽發熱飲水

為實熱用瀉白散若哽氣出氣唇白氣短屬虛熱用五味異功散若脾熱所傳用清胃散心火所刑用人參平肺散淡赤主潮熱心躁或大便堅秘用宣明柴胡飲子以疏導如潮熱未止更用鈎藤飲以清肝色青白主咳嗽惡心先用惺惺散解表邪健脾土更以六君子湯調補中氣色青黑主驚風腹痛盤腸內釣用六君鈎藤鈎平肝補脾鼻微黃為平赤主脾胃實熱身熱飲水乳食如常用瀉黃散清熱理脾微赤主脾經虛熱身涼飲

湯乳食少思用五味異功散補中健脾色深黃主小便不通鼻中乾燥氣麓衄血乃脾熱傳於肺腎先用濟生犀角地黄湯後用地黃丸色淡白乃脾虛泄瀉乳食不化用六君子湯調補中氣青色主脾土虛寒肝木所勝用五味異功散加木香炮薑溫中平肝黑為死候 頰間色赤主腎與膀胱氣滯熱結而小便不通用五苓散以分利鼻準微黃兼右腮微赤乃脾肺燥熱不能化生腎水用黃芩清肺飲膀胱陰虛陽無所主用滋腎丸若

頰間微赤乃膀胱陽虛陰無所化用六味地黃丸若小腹脹滿或陰囊腫脹屬陰虛濕熱壅滯用六味九加車前牛膝脾肺氣虛不能通調水道者亦用前藥其小便赤色久而尿血亦屬肝腎氣虛有熱用六黃地黃丸如不應則用補中益氣湯益脾肺生肝腎若小便後出白津或莖中作痛屬肝經濕熱先用龍膽瀉肝湯後用六味地黃丸 印堂青黑主腹痛夜啼此脾氣虛寒也脾為至陰故夜間腹痛而啼用鈎藤飲色淡白主泄瀉乳

食不化屬脾氣虛弱用五味異功散加木香 人中黃

主傷乳胃逆青主下痢乳食不化噯氣酸腐此脾虛停

滯先用大安丸消食後用異功散健脾黑主蛔蟲咬痛

唇色白主吐涎嘔逆或吐血便血乃脾氣虛弱不能

攝涎統血歸源急用六君子湯色赤乾燥而皺者主脾

經熱渴大便不通煩熱不寐先以清胃散治其熱次以

四君黃連山梔調其脾黃主食積泄瀉乳食不化以六

君子湯健脾赤色兼白主衄血乃脾肺虛熱不能攝血

歸源用聖濟犀角地黃湯清熱補血用四君子湯以補  
脾氣如久不應 用麥門冬散或人參安胃散 口畔色  
黃主脾經積熱用清胃散久病用四味肥兒丸以治疳  
熱唇口抽動主驚熱不安用異功散加山梔鉤藤鉤補  
脾平肝若口流涎唇色紫乃脾氣虛寒用異功散加炮  
薑木香若腹中痛口吐涎乃蟲作痛先用蕪荑散後用  
調中丸不吐涎是積痛也用異功散手足厥冷用理中  
湯加烏梅溫補中氣而痛自止或吐後或大便去後而

痛止者先用下積丸後用異功散 白主失血死青主  
驚風死黑色繞口者不治耳微微赤此少陽經風熱用  
柴胡飲子清肝生血微黃主睡中驚悸咬牙用四君子  
加芎歸升麻以調理脾氣 耳乾燥主骨疳蒸熱作渴  
盜汗用地黃丸若小便後出白津或玉莖痒痛屬肝經  
濕熱先用龍膽瀉肝湯後用地黃丸若稟賦腎氣不足  
或早近女色致小便泄滯或作痛如淋者急用地黃丸  
補中益氣湯滋其化源或大小便去後穀道牽痛者其



虛尤甚用前九加牛膝車前肉桂如手足逆冷或畏寒  
少食陽氣虛寒也急加附子多可得生大抵多因稟賦  
臟氣不平或乳食寒暑失節或妊娠乳母飲食起居六  
淫七情所致若初病元氣無虧乳母如常發熱壯熱二  
便秘結作渴飲水睡不露睛者悉屬形病俱實當治邪  
氣若病久元氣已虧食少發熱口乾飲湯嘔吐泄瀉肢  
體畏寒而露睛者悉屬形病俱虛當補正氣更宜審胎  
氣之虛實臟腑之相勝而治之庶無悞矣

瀉心散

方見心臟

秘旨安神丸

方見心臟

五味異功散

方見內鈞

朱砂安神丸

方見發搐

柴胡清肝散

方見諸熱

地黃丸

方見腎臟症

六君子湯

方見內鈞

瀉白散

方見肺臟

清胃散

方見內鈞

補中益氣湯

方見虛羸

人參安胃散

方見脾臟

宣明柴胡飲子

方見發熱

鈞藤飲

方見慢驚

惺惺散

方見咳嗽

瀉黃散

方見脾臟

濟生犀角地黃湯

方見便血

五苓散

方見五淋

發搐

錢仲陽云驚癇發搐男左視無聲右視有聲女右視無聲左視有聲此相勝也蓋左為肝部右為肺部金木相勝故耳若寅卯辰時身熱目上視手足動口流涎項強急此肝旺也已午未時身熱發搐心神驚悸目上視牙緊流涎手足搐動此心旺也申酉戌時身熱微搐而喘目微斜睡露睛手足冷大便淡黃水此肺旺也亥子丑

時微搐卧而不安身微熱目緊斜喉中有痰大便色白  
困睡流涎此腎虛也若握拳拇指在內女為順拇指在  
外男為順順則易治逆則難愈若涎入心肝則不能言  
用涼心鎮驚下痰逆搐者不治吐瀉後變症者亦不治  
如手足冷汗搐眉搐肚日夜不止名真搐當用人參湯  
川烏全蝎等藥平其胃氣傷風發搐口中氣熱呵欠手  
足動者名假搐用大青膏發散風邪傷食後發搐身熱  
困睡嘔吐不思乳食者當先定搐後用白丸子下之百

日內發搐眞者內生風二三次必死假者外生風雖頻發不死外傷風者用大青膏塗顙門及浴體法 寅卯

辰時搐而發熱作渴飲冷便結屬肝膽經虛熱用柴芍參苓散作渴引飲自汗盜汗屬肝膽經血虛用地黃丸口吻流涎屬肝木剋脾土用六君子湯 巳午未時發

搐若兼作渴飲水屬風火相搏以地黃丸補肝藥赤散涼驚丸治心若作渴飲湯體倦不乳土虛而木旺也用地黃丸以補腎六君子湯以補脾 申酉戌時微搐留

喘目微斜身似熱睡而露睛大便淡黃屬脾肺虛熱用  
異功散手足逆冷或喘瀉不食屬脾肺虛寒用六君炮  
薑木香久病而元氣虛者用六君子六味丸二藥主之  
亥子丑時微搐身熱目睛緊斜吐瀉不乳厥冷多睡  
屬寒水侮土用益黃散未應用六君薑桂傷風發搐口  
氣不熱肢體倦怠用異功散補脾土鉤藤飲清肝木若  
因風邪內鬱發熱而變諸症者當理肺金清風邪若外  
邪既解而內症未除當理肺補脾若肺經虧損而致驚

搐等症者當補脾肺以平肝心則驚搐自止矣若停食發搐嘔吐乳食者宜用消食丸若食既消而前症仍作或變他症者脾土傷而肝木乘之也用六君子加鉤藤鉤以健脾平肝若百日内搐者因胎氣所稟亦有乳母七情厚味所致者當兼治其母而以固胃為先不可逕治其兒也

治驗

一小兒寅卯時發熱痰搐服抱龍丸而愈後復患因



自用前藥更加咳嗽氣喘不時發搐面赤或青黃或浮腫或流涎余謂咳嗽氣喘乃脾肺氣虛不時發搐乃木乘土位面青而黃赤乃肝助心脾浮腫流涎乃脾氣虛弱用益智丸以補心神補中益氣湯以養脾肺頓愈

少叅王陽湖孫跌傷股骨正體科已續余視其面色青黃口角微動此肝木侮脾之症且氣血筋骨皆資脾土以生但壯脾氣則所傷自愈遂用六君鈎藤當

歸三十餘劑諸症悉痊

一小兒兩目連劄手足發搐服天麻防風丸之類每發饑時益甚得飲食稍定此肝木制脾土也用六君升麻柴胡鈎藤鈎二劑而病痊又用補中益氣湯而全效

一小兒已午時搐熱驚悸發時形氣倦怠而黃懶食流涎飲湯此心火虛而不能生脾土也不信自服涼心之藥更加吐瀉睡而露睛幾成慢脾風用六君薑

桂佐以地黃丸而愈

一小兒七歲驚搐發熱不已巳午未時益甚形氣殊倦熱定飲湯此心脾氣虛朝用補中益氣湯加益智仁夕用六君當歸鈎藤鈎尋愈後飲食過多復作吐瀉或治以保和丸反加寒熱發搐此脾土復傷而肝木所侮也用六君柴胡寒熱止而飲食進但午未時仍瀉用補中益氣湯加茯苓半夏鈎藤鈎而愈

一小兒百日内患搐痰涎自流用驚風藥益甚視其

面色黃中隱白乃脾虛不能攝涎也用六君子補中  
益氣二湯而愈後復患蕪氣喘自欲表散行痰余謂  
此肺虛不能納氣歸源耳用五味異功散加鈎藤鈎  
柴胡調補脾肺清理肝火而安

一小兒患前症面青黑或痿黃審其母素有鬱怒用  
加味道遙散加味歸脾湯治其母而子亦愈

一小兒月內發搐鼻塞乃風邪所傷以六君子湯加  
桔梗細辛子母俱服更以葱頭七莖生薑一片細搗

攤紙上合置掌中令熱急貼顙門少頃鼻利搐止

一小兒未滿月發搐嘔乳腹脹作瀉此乳傷脾胃用  
五味異功散加漏蘆令母服之子亦服是許遂愈

一小兒驚悸痰盛瀉乳不消此感風邪夾驚肝侮脾  
而氣虛先以天麻防風丸祛風定驚後用五味異功  
散壯脾止搐而愈

一小兒發熱拘急四肢痠癢左腮赤此心肝二經風熱  
先用柴胡清肝散次用六味地黃丸而愈

一小兒發搐啼叫手足指冷左腮青黑此脾土虛弱  
腎水反所侮也用六君薑桂一劑頓安又以四君芎  
歸及補肝散而愈

一小兒發熱作渴用瀉黃散大便重墜口角流涎仍  
欲瀉火余曰鼻準青白多而黃色少屬脾胃虛寒肝  
木所侮蓋口角流涎脾氣虛而不能攝也大便重墜  
脾氣陷而不能升也不信另用涼驚之劑果眉唇微  
動四肢微搐余曰此虛極而變慢風矣始用六君當

歸木香炮薑鈎藤鈎二劑未效意欲更藥余曰此藥力未至也仍加附子一片服之即安後去附子又二劑而愈

一小兒目內青色發搐目直上視叫哭不已或用牛黃清心丸更加咬牙頓悶小便自遺余謂此肝脾虛甚用補中益氣湯六味地黃丸而愈

一小兒發搐目劄屬肝膽經風熱先用柴胡清肝散以清肝後用六味地黃丸以補腎而愈

涼驚丸

治驚疳熱搐心神驚悸白睛赤色牙關緊急

潮熱流涎手足動搐

黃連

五錢

龍腦

一錢研

防風

龍膽草

酒拌炒黑

青黛

研三錢

牛黃

麝香

各一字

鈎藤鈎子

二錢

右各另為末麪糊丸粟米大每服三五丸至一二十丸煎金銀湯下

愚按前方治心肝二經風熱若心肝虛而見驚搐潮熱用秘旨安神丸肝木乘脾者用異功散加柴胡鈎



藤鈎心脾虛弱而潮熱流涎者用異功散若虛寒更

加木香不應更加炮薑

詳見  
滯頤

擦牙通關散

治風搖搦關竅不通痰塞中脘留滯百

節

南星

二錢

麝香

一字

牙皂

二錢  
燒存性

赤脚蜈蚣

一條

僵蠶

各二

錢

右為末薑汁蘸藥少許擦牙或調服二三點涎自出

至聖保命丹

治胎驚內釣腹肚緊硬啼叫不安及急

慢驚風眼目上視手足抽掣不省人事

全蝎

十四箇  
去毒

防風

二錢

白附子

炮南星

蟬殼

天麻

僵蠶

去絲  
嘴炒

朱砂

各一錢

麝香

五分

金箔

右為末米糊和每兩作四十九丸每服一丸白湯化下有熱者以膽星易炮星

白餅子

治傷食嘔吐肚疼噯氣先用此藥一服推下

食積却用惺惺散加減參蘇飲不可服冷藥

滑石

半夏

膽南星

各一錢

輕粉

巴豆

二十四粒  
去皮

膜用水一升

煮乾研爛

右以三味為末入巴豆輕粉研勻飯丸菴豆大每服三五丸紫蘇湯下忌熱物量兒加減

十味安神丸 治驚

人參 茯苓 麥門冬 山藥 各二錢 片腦 二分 朱砂

甘草 寒水石 各五分 龍齒 一錢 金箔 二片

右為末蜜丸雞豆大燈心湯調下一方有馬牙硝

浴體法

天麻

二錢

蝎尾

去毒

朱砂

各五分

烏蛇

肉酒浸焙

白礬

各二錢

麝香

一字

青黛

二錢

右為末每用三錢水三碗桃枝一握煎至數沸溫浴之勿浴背

塗顙法 治發搐

麝香

一字

蝎尾

去毒

薄荷葉

三分

蜈蚣

牛黃

青黛末

各一字

右同研用熟棗肉劑為膏新綿上塗勻貼顙上四方

可出一指許火上炙手頻熨百日裏外小兒可用此

瀉青丸

方見肝臟

導赤散

方見心臟

地黃丸

方見腎臟

益黃散

方見脾臟

蘇青膏

方見慢驚

大青膏

方見肝臟

目睛瞤動

目者肝之竅也肝膽屬風木二經兼為相火肝藏血血不足則風火内生故目睛為之睵動經曰曲直動搖風之象也宜用四物益其血柴胡山梔清其肝陰血內榮則虛風自息矣若因肝經血燥而自病者用六味丸以滋其源因肺金剋肝木者用瀉白散以平金邪若眼眵睵動者肝木乘脾土也用抱龍丸若愈後驚悸不寐或寐中發搐咬牙目睛睵動者血虛不能榮筋脉也用補中益氣湯或歸脾湯加茯苓五味蓋有餘者邪氣實也

不足者真氣虛也凡病氣有餘當認為不足况此症兼屬肝脾多為漫驚之漸尤當審之

治驗

一小兒三歲因驚抽搐發熱久服抱龍丸等藥面色或赤或青余曰始因肝有實邪故宜用前藥今面色青赤乃肝經虛熱傳心矣遂用六味丸以養肝腎佐以六君升麻柴胡以補脾胃諸症頓痊

大尹周應昌子患瘰癧恪服化痰之劑虛宜用六君

子湯加小柴胡湯若四肢微搐或潮熱往來或泄瀉  
嘔吐面色痿黃皆脾胃有傷也宜用白朮黃芪川芎  
當歸人參陳皮肉豆蔻神麴乾葛白芍藥黃連炙甘  
草白茯苓以補胃氣若脾胃虛弱者用六味異功散  
虛寒加木香炮薑若脾氣下陷者用補中益氣湯以  
升其陽作渴者用七味白朮散以生津液若肝木侮  
脾者用補中益氣湯加茯苓半夏芍藥以制肝補脾

治驗



一小兒傷食發熱唇動或用養胃湯枳實黃連山查之類更加腹脹午後發熱按其腹不痛余以為服前藥飲食雖化而脾胃復傷也用六君子湯數劑而痊一小兒傷食發熱嘔吐唇口服消導清熱之劑飲食已消熱赤如故余曰此胃經虛而安

瀉青丸

方見肝臟

六味丸

方見腎臟

四君子湯

方見天鈞

瀉白散

方見肺臟

唇口蠕動

唇為脾之華口乃脾之竅又陽明之脉環唇口而交人中陽明胃也是以脾胃虛者多有此症不獨病後而已夫脾主涎脾虛則不能收攝多涎流涎或誤認為痰而用祛逐之藥則精液益枯不能滋養筋脉遂致四肢抽搐病勢愈甚原其治法與慢脾風相同當用大補脾胃之藥加升麻柴胡切勿用青皮龍膽草之類兼察其色

黃者脾弱也青者肝勝也青黃不澤木來剋土也青赤相兼木火風熱也黑為寒水反來侮土白為氣虛亡陽凡此宜用六君子湯加小柴胡湯若四肢微搐或潮熱往來或泄瀉嘔吐面色痿黃皆脾胃有傷也宜用白朮黃芪川芎當歸人參陳皮肉豆蔻神麴乾葛白芍藥黃連炙甘草白茯苓以補胃氣若脾胃虛弱者用五味異功散虛寒加木香炮薑若脾氣下陷者用補中益氣湯以升其陽作渴者用七味白朮散以生津液若肝木侮

脾者用補中益氣湯加茯苓半夏芍藥以制肝補脾

治驗

一小兒傷食發熱唇動或用養胃湯枳實黃連山查  
之類更加腹脹午後發熱按其腹不痛余以為服前  
藥飲食雖化而脾胃復傷也用六君子湯數劑而痊  
一小兒傷食發熱嘔吐唇動服消導清熱之劑飲食  
已消熱赤如故余曰此胃經虛熱耳用四君升麻柴  
胡四劑而愈

一小兒素面白忽然目唇微動時面色青黃良久其唇口手足亦微動此脾虛而肝侮之也用五味異功散加鈎藤鈎白附子一劑而面青少退再二劑唇口動亦止又用異功散加升麻柴胡四劑而痊

一小兒暑月吐瀉目唇微動面色青白手足並冷仍用玉露散余謂已變慢脾風也當溫補脾胃不信後果歿

五味異功散

方見天鈞內鈞

補中益氣湯

方見虛羸

七味白朮散

方見積痛

六君子湯

方見天釣

小柴胡湯

方見瘧症

四君子湯

方見天釣

驚搐目直

小兒忽然驚搐目直者皆肝之風熱也若肝虛生風則目連劄而不搐及多欠咬牙若肝經風實則目直大叫

呵欠項急頓悶若肝經有熱則目直視不搖得心熱則搖氣熱則外生氣溫則內生其症手尋衣領及亂捻物宜用瀉青丸壯熱飲水喘悶宜用瀉白散凡病之新久皆能引肝風風內動則上入於目故目為之連劄若熱入於目牽其筋脉兩眦俱緊不能轉視故目直也亦有飲食停滯中焦致清陽不升濁陰不降肝木生發之氣不得升致生虛風者須詳審之若胃滿腹痛嘔吐惡食輕則消導化痰重則探吐滯積更須審其所傷寒物熱

物亦有因感冒吐瀉致使土敗木侮而生虛風者不可遽服驚藥宜用六君子加芍藥木香柴胡制肝補脾若因脾土虛而自病者用五味異功散凡飲食停滯痰涎壅滿而見驚症者寔因脾土虛弱不能生金金虛不能平木故木邪妄動也宜健脾消食其症自愈若輒用驚風之藥反成其風而益其病也况臟腑脆嫩不可投以峻厲之劑治者慎之

治驗



姚儀部子每停食則身發赤暈此飲食內停不消鬱熱發外用清中解鬱湯而愈後患搖頭咬牙痰盛發搐吐出酸味伺其吐盡翌日少以七味白朮散調理脾胃遂不復患

一小兒停食服通利之劑作嘔腹脹此脾胃復傷也用補中益氣湯而愈

一小兒兩目動劄手足發搐數服天麻防風丸之類前症不愈其痰益甚得飲食稍愈視其準頭及左頰

色青黃余曰脾主涎此肝木剋脾土不能統攝其涎  
非痰盛也遂用六君升麻柴胡鈎藤二劑飲食漸進  
諸症漸愈又用補中益氣湯而安

九味養脾湯 治小兒大病後面黃肌瘦目動咬牙髮

少未能強步因誤服解表瀉利傷剋諸藥而致者宜  
長緩調理全復胃氣

白朮

一錢二分

白芍藥

酒炒

白茯苓

各八分

人參

陳皮

川芎

各六分

甘草

炙

黃芪

蜜炙

當歸

酒洗各四分

半夏

山查

麥門冬

各六分

右用薑棗水煎服

六君子湯

方見天鈞

五味異功散

方見天鈞

清中解鬱湯

方見丹毒

七味白朮散

方見積痛

參苓白朮散

方見虛羸

補中益氣湯

方見虛羸

天麻防風丸

方見傷風咳嗽

睡中驚動

小兒睡中驚動由心腎不足所致蓋心主血與神肝藏血與魂肺主氣與魄腎主精與恐小兒臟腑脆弱易為驚恐恐則氣下驚則心無所依神無所歸且夫人之神氣寤則行於目寐則棲於腎今心腎既虛則不能寧攝精神故睡中驚動也治宜清心安神用茯苓補心湯加酸棗仁茯神五味亦有驚嚇而作者因擊動其肝故魂

不安也治宜鎮驚定魂用安神鎮驚丸若飲食間因驚而停滯者用六君子加神麴厚朴食既消而驚未定用茯苓補心湯若木火太過而心神不寧者用導赤散風熱相搏者用柴胡梔子散食鬱生痰驚動不安者用四君以健脾神麴半夏以化痰山梔芍藥以清熱

治驗

一小兒夜睡忽然驚動如搐大便酸臭而色青此飲食傷脾而肝旺也先用異功散加柴胡升麻山梔又

用四味肥兒丸而愈

一小兒不時睡中驚動發搐作渴飲冷左顙青額間赤先用柴胡清肝散加鈎藤鈎四劑以治肝火後用五味異功散以健脾又用地黃丸補腎肝而安

導赤散

方見心臟

柴胡梔子散

方見諸熱症即梔子清肝散

六味丸

方見腎臟

四君子湯

方見天鈞

六君子湯

方見天鈞

五味異功散

方見天鈞

茯苓補心湯

方見瘡

安神鎮驚丸

方見急驚

目動咬牙

小兒驚後目微動咬牙者皆病後亡津液不能榮其筋脉也亦有肝經虛熱而生風者當審其氣血有餘不足而治之其日中發熱飲冷而動者氣有餘也用瀉青丸

夜間盜汗及睡不寧而動者血不足也用地黃丸或因肝經風邪傳於脾腎者亦令咬牙先用柴胡清肝散次用五味異功散六味地黃丸若因脾胃虛熱用補中益氣湯加芍藥山梔實熱用瀉黃散蓋牙牀屬手足陽明故也若肝腎熱用六味地黃丸

治驗

奚氏女六歲忽然發驚目動咬牙或睡中驚搐痰涎壅盛或用化痰祛風等藥益甚余曰面青而見前症



乃屬肝木尅脾土不能攝涎而上湧也當滋腎水生肝血則風自息而痰自消矣遂用六味丸而愈

一小兒患前症痰涎自流用驚風之藥其症益甚脾胃益虛視其面色痿黃口中吐痰用六君子補中益氣湯而愈

導赤散

方見心臟

地黃丸

方見腎臟

瀉青丸

方見肝臟

補中益氣湯

方見虛羸

六味地黄丸

方見腎臟

六君子湯

方見天鈞

搖頭便血

經曰諸風掉眩皆屬肝木木得風則搖動乃肝經火盛而生虛風也湯氏治鄭都承子搖頭便血七年用祛風藥止血藥百試無効此肝經風熱所乘土受木剋不能攝血而潰入大腸故便血不止遂製清肝益胃湯以平

肝益脾祛風熱兼服胃風湯旬餘諸症悉愈便血者風木搖動則土受凌虐而不能統血也或食酸味過多以益其肝致令陰結經曰結陰者便血一升再結二升三結三升又邪在五臟則陰脉不和陰脉不和則血留之結陰之病陰氣內結不得外行滲入腸間故便血也間亦有乳母患怒風熱熾盛或肝木傷脾使清氣不升或風邪侵入大腸者治法若因風熱用柴胡清肝散若因怒火用加味小柴胡湯若清氣不升脾氣下陷者用補

中益氣湯若風邪侵於大腸者用清肝益胃丸肝經血熱妄行者用六味地黃丸脾土不能培肝木者用六君柴胡鈎藤鈎肝木勝脾土者用四君芍藥鈎藤鈎結陰者用平胃地榆湯

治驗

一小兒傷風咳嗽痰湧余謂脾虛肺弱腠理不密風邪外乘用六君子湯加桔梗桑皮杏仁而愈後飲食停滯作瀉腹脹仍用六君子加山查厚朴而安又停

食作瀉服消導之藥更加咳嗽余謂當調補脾土不信自用發表剋滯前症益甚更加搖頭余以天麻散倍加鈎藤鈎及異功散而愈

一小兒項間結核面色痿黃肌體消瘦咬牙抽搐頭搖目劄此肝木尅脾土也用六君子湯及九味蘆薈丸頓愈

一小兒病後遇驚即痰甚咬牙抽搐搖頭作瀉略服腦麝朱砂等藥以致慢驚而卒

清肝益胃丸

犀角屑

甘草

全蛇蛻

炙黃

鈎藤鈎子

麻黃

去節

一錢黃芪

蜜炙

羌活

防風

白芍藥

天花粉

各半兩

右為末棗肉杵丸桐子大每服五十九食後薄荷湯下

海藏食療云蛇蛻主去風邪明目治小兒一百二十種驚癇寒熱等症蠱毒安胎炒用又治風癇弄舌搖頭故前方用之

平胃地榆湯 治結陰便血

白朮

陳皮

茯苓

厚朴

葛根

各五分

地榆

七分

乾薑

五分

炙甘草

當歸

炒神麴

白芍藥

人

參

益智

各三分

升麻

附子

炮各一錢

右每服一錢水煎服

胃風湯

方見偏風口噤

柴胡清肝散

方見諸熱症

加味小柴胡湯

方見肝臟

補中益氣湯

方見虛羸

六味地黃丸

方見腎臟

瀉白散

方見肺臟

六君子湯

方見天鈞

四君子湯

方見天鈞

天麻散

方見內嗽

異功散

方見天鈞

九味蘆薈丸

方見疳症



偏風口噤

小兒偏風者屬少陽厥陰肝膽二經証也噤者筋急由風火太甚而乘於脾以勝水濕則筋太燥然燥金主於收斂勁切故也又曰風之為病善行而數變或左或右其因一也治須審而藥之若足陽明胃經氣虛風邪所乘其筋脉偏急者屬外因若足厥陰肝經風熱乘脾筋脉偏急者屬內因若脾肺虛弱腠理不密外邪所乘或服金石之劑耗損肝血或吐瀉後內亡津液不能養肝

致口眼歪斜或半身不遂諸症皆屬肝血不足肝火生風宜滋腎水養肝血壯脾土治法脾胃虛而動風者異功散加柴胡鈎藤鈎脾肺虛而外邪所乘者用鈎藤飲肝火血燥者用六味地黃丸津液不足者用白朮散若兼目緊上視寒熱往來小便淋瀝面色青潔兩脇脹痛之類皆肝經之本病也或唇口歪斜腹脹少食目泡浮腫面色青黃肢體倦怠之類皆肝木乘脾之症也當審五臟相勝而主之說執其見症槩投風藥反成壞症者

有矣

治驗

一小兒口眼喎邪面色或青或赤此肝心風火乘脾也朝用柴胡清肝散夕用異功散加鈎藤鈎而愈其時有患前症服祛風導痰之藥者皆不能起

一小兒痢後患前症發搐面色痿黃肢體倦怠此元氣虛剋伐多矣余用補中益氣湯加鈎藤鈎子服而漸愈後因乳母七情飲食失宜或兒乳食過多前症

仍作服補中益氣湯五味異功散而應

錢氏全蝎散 治驚風口眼喎邪言語不正手足偏廢

不舉

全蝎

去毒炒

僵蠶

真者炒

川芎

黃芩

甘草

桂枝

麻黃

去節

赤芍藥

各二錢

天麻

六錢

天南星

去臍二錢

右為末每服二三錢薑五片水煎服

胃風湯 治風冷乘虛入客腸胃水穀不化泄瀉注下

及腸胃濕毒下如豆汁或瘀血日夜無度

人參 白茯苓 芎藭 桂 當歸 白芍藥

白朮

各等分

右散每服二錢入粟米數粒同煎食前服

異功散

方見天鈞

六味丸

方見腎臟

白朮散

方見積痛

柴胡清肝散

方見諸熱

補中益氣湯

方見虛羸

角弓反張

錢仲陽曰角弓反張者由風邪客於太陽經也經曰風從上受足太陽主周身之氣其脉起於目内眥而行於背肝屬木主風所以風邪易侵也夫小兒肌膚未密外邪易傷肝為相火其怒易發若身反張強直發熱不搖者風傷太陽也宜用人參羌活散小續命湯若因暴怒而擊動其肝火者宜用瀉青丸若飲前劑其症益甚者此邪氣已去而脾氣虧也宜用異功散加芎歸補之若

因肝經虛熱或因剋伐真氣虛熱生風者宜用異功散  
地黃丸補之若因下而脾氣困憊腹肚膨脹者此中氣  
損也宜用白朮散補之若氣血素弱或服攻伐之劑而  
手尋衣領咬牙呵欠者肝經虛甚也急用地黃丸以補  
之仍與肝臟叅覽

治驗

一小兒忽腰背反張目上視面青赤曰青屬肝主風  
赤屬心主火此風火相搏用柴胡梔子散倍加鈎藤

鈎頓安而痰如舊又用抱龍丸而愈

一小兒忽腰背反張服治驚之藥後不時舉發面色黃白肢體甚倦余用五味異功散十餘劑而愈後因驚蕪飲食不節不時舉發隨用前藥即愈遂日以參朮末每服五七分炮薑大棗煎湯調下服至三兩而不發已上二症元氣虛而病氣實也若用攻邪之藥皆誤矣

一小兒素患前症痰盛面色素白而蕪青余謂肺氣



不能平肝肝氣乘脾脾氣虛而生痰耳先用抱龍丸  
二服以平肝隨用六君子湯以補脾肺月餘而痊半  
年之後復發謂非逐痰不能全愈遂用下劑痰涎甚  
多而咽喉如鋸聲余曰乃脾不能攝涎也咽間鳴乃  
肺氣虛甚也遂用人參五錢炮薑三分水煎服而醒  
至第四劑後加棗二枚人參服數兩而愈後每發非  
獨參湯不應若執常方鮮不有誤者

人參羌活散

方見驚風

小續命湯

方見五硬

瀉青丸

方見肝臟

異功散

方見肺臟

地黃丸

方見腎臟

柴胡梔子散

方見諸熱即梔子清肝散

抱龍丸

方見傷寒夾驚

六君子湯

方見天鈞

薛氏醫案卷五十五